

SART KE'N WIIN WE NO O WOD-FO-BAAL



PHA 2000

Sart ke no wiin we no o wiin we no o wod-fu-baal

Yegnit ne:

O wod-fu-baal ci'itoo naa pasil ne a njegna, no o jeg fo a ñaaćnoof : sañ-sañ faapwu a refu. O ñak o fodrand, o ñak, a faxoor, a fomand, fu o ñak o gayir fu a fat ndefu ke fapna jir fu fa nqon no we njegeerna fu we mbereena. Ngir fop a ndaaw no o wod-fu-baal a taxa bo tig mayu a ndamel, too it I nqare' fa monjaaliisaasiyoŋ fee, fo it ke daapuna na ñaaćnoof fo no jeg a suptel.

Nanoor neene oxey soste' no a yiif no goor fu rew waa andoona ee xa ñuxur den nangilwoogaand no ke faafna. Kaa ta xiiraa wiin we da ßaat a faxoor den fu it we aduna a lanq ale, maat ke, mal ke fu pokatax ke ngir da mbi' a keen den .

A KA'OOT ALAA JOFNA NO MBAAMIR

Mbodir, jam fu a ßaatax a safku fu a kay o widand ole ndefu xeeñ a ka' in na adna fa mbaax-adna fanaa o wod-fu-baal ngir fop a refna ndigil ; adna fanaa fongikna o ñoow fu kuu ðaguna taaga fu kuu te waagna o ref, adna fanaa damitna a ßaatax xa baag fu xa and no oxuu refna fo it ßaataa a den, adna fanaa andoona ee ke dameena, xa ñuxur no wiin we.

Ci'it ke mbarna mbarna o njeg ngir cofnax keene a ndaawel owey meen.

KE ÑAA'YEERNA NO O WOD-FO-BAAL OLE

<<Na yiif in, kaa i ndam ee jir fu fa nqon kaa naa jegaa a refu no ñaal nuu refna. Ha-aa ke wiin we a njiraa mbit da nqonaa, kaa ref ee ke hupna na cir akeene fo fa nqon faneene a juga kaa atna den na ñoowoof ale fo no o jeg olede seerna in.(yoq ke took o ñak o waag o fañ)

(No o ñuxur Amerik fane faritna a ndeer ale)

No yaajin suptax akeene jegna no xa kiid xarBaxay axene mbaafna a juga kaa de mbi'na qooðu no o wod-fu-baal ole'n wiin we fo it no waag o daaw no pind ke'n o wod-fu-baal ole fu teex ke.

Fu ke a ßaatax a maak a jegna no o halal, o ñak ole fu nqeex ne owey moy'aa o ßaatoox. A qur ale jegna a ndeer a saax ake njegna fu ake njegeerna kaa moy' o yaaj, fo it o ñak o fodrand ole a ndeer wiin we, a ndeer o tew fu o koor, fu a ndeer o maak fu o njaac.

A qaaj ale hupna no wiin we na adna fee njegeer o ñoow o doyu, waag o daaw na cangin, no foofi', no genand, no lanq, no calel fo na payax, fo it o ñak o fodrand ole naa moy'aa o yaaj a ndeer wiin we. Kaa da mbeeña na cir ake fo o ñak o daaw na payax ale.

Ci'it roog ke na adna fee kaa faxooreel naa xoteerna a fat. A bañax ale'n ke no widand ole kaa yaqaa o wod-fu baal no oxuu refna, oxey hupta' doole' no we ñaknayo. A ñox ake a ßaatwa, too tig ñoxorir ke mbaagna o yaq a moy'aa o may.

Ci'it ke na adna fee kaa moy' o mbokatirwaa no xa ßay xa neewu de moy' o ßaataa o jeg den.

A fat ake naa ndeefeel no o jeg, a saax a neewu ake ngupa doole' naa ndaman, a ndeefin no mal nandu ne na "bank monjaal", mal ne naa yetwaa kuu jofna na xaaliis(foo monoteer) fu mal ne naa yetwaa kuu jofna na cik fo a cikax na adna fee.

A fat akeene,fo it yo'nax keene mal maak keene a ndeer a sax ake a qotna kaa njeg ponu kaa de ataa no o ņoow, no ņoow, fu na tefoof a paax no wiin we ngenitna no saax oke ganaar fu we no saax ole saalum.

Pind keene mbar-ina o ngeenu a faxaa coxla' ke'n wiin we, ngeenwateer ngir a faxanin wiin we ne ta wariitna, ke moy'uuna o at refu ee, ke de coodeegeena no halal kaa wañel.

Daaw no pind ke naa mbay'ooreel, wiin um,fu teex ke, kaa moy' o jafeñ. Ne da nqaajriteel fodreer, ndeefeer it puge-puge ke'n wiin we.

Ke dameena ee oxuu ta felna waagaa o wet mbind mbay'ir a waaga o waañ sañ-sañ ne oxuu refna a jegna na payax, too it kaa yaqaa ke dameena no mbodir. A cir ake mbaageena o mbay' a maad meen, a nomtuwiidaa, a cir a nandu ne na oqotax a ponu le, sibitu, a ceg fu a pictirax a cir a qas a nandu ne na sidaa, a tefoof akeene kaa ndef kaa naa laltaa o ņak o geenoox no adna in fee no mbodrand fu a fat.

A TAT AKE'N SART NE NA ADNA FEE NO O WOD-FU-BAAL

Daaw no me moy'na o kowe no o wod-fu-baal, sañ-sañ safku a refu,too reefkaand na xeet, na melo, no diine, no koor mbit o tew, no xa kiid, no mbugir, na tefoof mbit no o waag no kiin oxe.

A tefoof ake faapuna no o wod-fu-baal, ne da ndamteena no yegnit ne no sax le "Alma Ata" no o hiid 1978 mbar'u o ndef faap a ņaacnoof o wod-fu-baal. Me ta refna, kaa warnayoo i njeg cofnax a ņaacnoof a podru, yo'nax mayu too fop a mbog teen.

Maat ke saqu barugar ke faapuna ngir o kiin oxuu refna na adna fee a waag o daaw no a payax a qotu a fat, no a cang fo pind lakas ke naa ndamtaa, a reefel no bugu-bugu no wiin we, too a fañel o reef no ke o kiin oxe a waagna o jik.

A pog wiin we fu mal ke cegu solo a refu no faap ne, na faxoor ale fu na eed ke fi 'eena no o wod-fo-Baal a kiñ ake.

O wod-fu-baal ke naa faamnan mbaamir refu a faxoor ale, o jeg ole, no ņoow fu na keen.

Ten waru o ref ke aduna no a qot dogal ke faapuna na saax ake, too mbodir fu a ßaatax a safku a mbokatel teen.

O XOOY NGIR A PI'

Ngir i njasnoor fu a tefoof a ponu le jegna no o wod-fu-baal ole na qaaj ale hupna na adna fee fop, faw i nduq muu refna oxuu refna, caate ke, a paan ake, o gox ole, saax le, adna fee fop, too i ndeefin no mbodir fu a ßaatax a safku.

O WOD-FO-BAAL SAÑ-SAÑ NO KIIN OO

O wod-fu-baal kaa laltaa a teef mbit o ņak o reef mbodir, fu a fat. O wod-fu-baal fo sañ-sañ ke mbaru o eet no kuu jofna no o jeg fo no polotik.

Sart neene kaa xooyaa wiin we'n adna fee ngir;

- da ndam no kuu naa safkinaa sañ-sañ no o wod-fu-baal.
- Seer maat ke fu mal maak ke da faapatin, a ñaaćnoof too a ndeef a tefoof fu a pi'oof ake naa taxaa sañ-sañ no o wod-fo-Baal a reefel.
- Geenin mal ngir da ndiñaa maat ke da ßek o wod-fu-baal fo sañ-sañ ke kam a fat ale fu a ñaaćnoof ale'n saax den.
- Ñoxor fo kuu xoteerna a fat no o wod-fu-baal too.

SONG KE HUPNA SOLO NO O WOD-FU-BAAL

Song le no o jeg

O jeg ole kaa suxluwaa no o wod-fu-baal. A ñaaćnoof ake no o jeg naa adnaa mbodir no o wod-fo-Baal fo a tefoof a paax no ñoow no fop, kaa xedandaa wod no wiin we fo o jeg ole.

A ñaaćnoof ake no jeg, na qooq fo no masiin kaa reefaa na fat foo-fokat halal maat ke na saax ake fu mal ke kaa seertan a ndeefandand no ñoow den. Monjaalisaasiyoŋ fee no jeg ole fu ke oxuu refna a coodeena sañ-sañ o geenin calel xoox um kaa moy' o ßaat o ñak o fodrand ole a ndeer a saax ake fo kam a saax ake.

A sax a mayu na adna fee, ne'atiim ake ngupna doole' kaa faxooraa ßonax den keene, a maafaa teen o jeg, a songaa teen a ñox, ngir a safkin fo a yaajin a keen den a yoonu fo muj fa mbaaxeer no ñoow no wiin we.

Sart neene kaa xooyaa wiin we na adna fee ngir:

- A xedaa a supit mal ne na adna fee naa yetooxaa kuu faamna no a cik fu a cikax fo it mal lakas ke na saax ake naa yo'nuwaa na cik fo a cikax ngir a pudax ale no sañ-sañ ke no wiin we no ñoow, no o jeg, no o widand fo no o wod-fo-baal no kiin a fi'angaan da sos a neewand ta faam no a saax a can. Ngir yiir o wod-fo-baal no fop, a suptax a nandu neene a wara o ref hite' no yaal xa and axe, ne a kayit fu nanoor a njegniteena no yiir kuu jofna no o and too ta jof no a cik fu a cikax.

- Xed da baas ndaw ne na sax ake na adna feeneew nayo doole'.

- Xed da supit a paax a ñaaćnoof ale no mbind ne ne'eena BANK MONJAAL fo mbind ne saqna kuu jofna no xaaliis,(foo monoteer) ngir da sut too a ndamit no booru sañ-sañ ke fu kuu refna o njiriiñ a saax ake ndefna na fat a ßaatax.

- Laamit a fat a paax na ñaaćnoof ngir ta xoolong ee a pi' calir maak ke na adna fee njegeer fa yaq fa leng fanaa de ataa no o wod-fo-baal ole no wiin we, jalnooree a den no qoteer a fat, yaqeer o widand den mbit ta yaqaa o jeg xoox of ole'n saax le.

- Fexey bo maat ke a ngeenin a ñaaćnoof alaa andoona ee kaa reef no puge-puge ke no wiin we too bar da ndeef ke bugeena na marse' fee, keene ngir safkin a qooq o ñoow o doyu fu it oxuu refna a waag teen o daaw.

- . Xed maat ke na saax ake a ngeenu ngir a yiir sañ-sañ no o wod-fu-baal no fop a ndeefandin kam ale na saax ake.
- . Xed a toptax ndafid ne no lempo ke no yo'nax ke naa njegaa kam sax le.
- . fexey bo yo'nax nuu faamna na ßaat o jeg, a eedeel ngir deet ke ta ataa no o wod-fo-baal, no mbodir, no nqaajrand a ndeer o koor fo o tew, no widand, fo ngeenu ngir feet ke ta fofna no paax, fu ke ta xendandaa.
- . Mbaas a yiifoofo ale na ßaatax too nguutandtin tig saxu kaa naa ngeenna pind calir fu it a ßaatax a safku. Fa lay fa ßor na ßaatax kaa yaqaa o widand, o njiriiñ onqe ðaapuna no mbodir fo o wod-fo-baal, fo it a ataa calel cegeer ndafid, fu calel ke rew we mbula'andaandena.

Song no ñoow fo na ñaaćnoof

A ñaaćnoof no mbokat no ñoow a jega tig paax kaa te ataa no ñoow no wiin we fo a tefoofo den. Ndaa ne adna fee a ñaaŷnitna, kuu faamna no o jeg fo it ke oxuu refna a waagna o retan xooxum a njega tig paaxeer kaa de mbi'aa no wiin we, no ßasil ke fo no aada fu cosaan. No keene fat rew we a ngeenoox a keen ceek ngir a yiir o ñoowofo ole'n ßasil ne, a fake, puge-puge den nee reefeel mbit sax ta raxel, sañ-sañ den fo ngiin den a mbudooxel.

I feetlooxa ee, pinde ke fop a mbogna ngir a njiriiñooran kaa neewandel doole. Ke hupna no xa ñuxur den kaa coodel we saqna calel a qoox den, pind calir kaa njegeena no saax le mbit no gilaa saax andoona ee laykeer wiin we tig no ne ta jaltaa. No keene it ka mbaañ xa baag mal ke'n polotik ke fo pind ke naa ñoxoranaa jaa-jal we, a somb koy we saqna dogal fane, tig den owey ßaatwaa. A faxoor demokaraasi kaa war-u o refeel no mal polotik ke fu pind calir ke. A jega puge-puge no ndak fu ndukax ngir ßaat fo safkin a leerand fu a qot dogal.

Sart neene kaa xooyaa wiin we ngenna na adna fee fop ngir:

- . Laamit too a damit a ßaatax fo jegin a ñaaćnoof mbokat alaa naa taxaa wiin we fop a a ndam teen.
- . Ta xoolong ee o tew fo o koor mbodu no sañ-sañ o daaw calel fo na tefoofo, no lay a yiif of, fog no mal polotik, jil diine, a cang fo o ñoow o jegeer a fomand.
- . Geenu maat ne ngir jegin a fat alaa naa yiiraa too a aataa a ßaatax. Sañ-sañ no o wod-fo-baal xeet no wiin we moy'na o neew, no yiif, fo no ngim.
- . Laamit a cang ale fu o wod-fo-baal ole a ndoonel na fat ale na ñaaćnoof ale. Sart ne a simta a cangin no cegeer ndafid no xa caa' axe fo maak we, ngir xa caa' xa tew axe fo rew maak we, fo a cangin a faapwu a paax.
- . laamti, yo'nax ke no mal ke wiin we mbogna, nandu nen a pay' ale no xa caa' axe, ne o ñoow ole fo o genand ole a lasriteel, kaa ßaataa o wod ole'n wiin we.
- . Rax too fexey bo bar togal na ñaaćnoof kaa naayodaa wiin we no lanq den, no calel den mbit no genand den no kaa feleerna den.
- . Ñoxor fo toole' ke faapeena too a yaqaa sañ-sañ ke fo o jeg xoox of ole no wiin we, a hupteen o ñoow ole no rew we, xa caa' axe fo we moy'na o neew.

. Fañ genar we andoona ee a yoon fu rew taxu den o garaa fo a cikax ale no rew we fo xa caac'axe na adna fee.

Song no o no widand ole

. Posoñ foofi' le fu ngeñ ne yaquna kilimaa ne suptuna, tikoarik ke fo ci'it yaqwu ke, posoñ ke, ke yaqena no ci'it ke, a koβ ale godeena fo lanq qonu ke a njega a pi' a paaxeer a qoodu akaa de mbi'aa no o wod-fo-βaal no wiin we. Fa yaq faneene no widand ole a pač ake faapuuna ndefu, a faxoor ci'it roog ke na ka' a taβu, ñak o njeg a ka'oof no mbaamir, a pictir ale'n ciko ke o kiin oo kiin a saqna too ta faam no we saqna o jeg ole. Fat i song ke naa bisiidaa fa yaq no widand in ole too mbexey bo ta fag no ñofu too a safik.

Sart neene oxey xooyaa wiin we na adna fee ngir :

. Fi' bo pind calir ke no saax le fo ke no gilaa saax fo pind ke fop a mbogna fo ke'n coldaar ne a yoon no yo'nax ponu ke naa yaqaa a mbon too da mbi'an too da ndef kaa naa yaqaa o widand ole fo o wod-fo-βaal ole no wiin we.

. Seerit, o hiβ oluu naa ataa a βaatax a eedel no a pi' fo tig o widand. A fi'angaan de yoon teen fu o teey fo a podandax a refangaa ee o and ole fo togal ke na ñaac'noof ale kaa yaqaa o wod-fo-βaal ole fo o widand ole.

. Seer maat ke da ngeenu ngir a mbañ a pi' ake na gaas fee no saax den a ndeefantin no ne ta moy'na o hupit ke dameena a ndeer a saax ake fo it no a suptax ale no ngeñ ne, too bar de ndef a pi' akaa mbaaxeerna mbit akaa njofeerna.

. Fañ de toxlaa isin ponu ke fu posoñ yaqwu ke na a saax ake njegeerna mbit no o xeet ole moy'na o neew, riñ a den na ñaac'noof alaa naa waajaa a cegin posoñ.

Waaj a faxoor a kupu le fo o ñoowoof ole naa yaqaa, ten andu ta ref mene mbit ta ref no gilaa saax. Riñ a saax ake njegna isin ngir da mbaaj a faxoor den fu ne da yaqtaa ngeñ ne bo ta fad 90%.

. Laamit a keen akaa naa ngebwanaa aksidang ke no jaland ole, o fokat jaa-jal we no mal naa nayetwaa ne calel ke a ñaay'taa.

. Laamit a keen akaa naa ngebwanaa aksidang ke no xa caland axe, kam wiin we fo no pind ke.

Fañ a pi' a yoq ake no ñoow too o fañ it nguuf no ci'it ke no xa and fo ci'it ke na aada.

. Baat tig ke ngeenneena wiin we ngir eed a βaatax na tefoof ale, seerit a βaatax fo jegin a fat alaa naa eedaa ne a koβ ale a yaqoortaa fo teef ale no wiin we no o wod-fo-βaal.

A ñox, a fomand, saytaane, fu lakas

A ñox, a fomand, fu saytaane, kaa paangaa wiin we too a yaqaa ngiin den, kaa njeg tig ponu kaa da ataa no o wod, no njer fo no yiif no we naa mbi'an, a moy' o feeñ teen koy rew we fu xa caac'axe. A βaatax na cik ale'n βonax ke fo a cikax ale'n βonax ke a ndeer a saax ake kaa yaqaa o daaw xoox of ole'n wiin we, a ñaac'noof ale fo o jeg ole fo a taw ale no ci'it ke.

Sart neene, kaa xooyaa wiin we na adna fee ngir :

- . Da ngeenu a ndamit pexey ke naa mbi'eel fu yo'nax ke ngir jam a jeg, ßonax ke a ngeekel
- . Damit pexey ke naa mbi'eel na fomland wiin we, a baaf, a qendand, a yiir, a ceem fo a faxoor ßonax maak keene naa yaqaa, fu ßonax nuu ta waagna o ref, fokat teen it xa xos ßonax axe fop.
- . Damit tig ke soseena ngir waag o jeg jam fa saxu no saax ake merna o ñoxoraa fu a mbarraa kam den.
- . Fañ xa caač axe naa faxooreel a mbi'eel soldaar, a fomand ake fo fanqon no rew we fo xa caač axe.
- . Simit a pañit a faxoor saax jan ngir yaq ngiin no wiin sax-jan.
- . Fañit we naa ßiseel ngir a ćufgik wiin we a coodeel ßonax.
- . Laamit a suptax a fat ale na ñaaćnoof ale na naaq ale naa yiiraa ne na sax ake mbokatna a qoox den,(koosey de sekirite ne na nasyon sini) .
- . Laamit mbokatoor ne na sax ake (O N U) fo a sax a yoq ake da mbaas togal yoq ka da nqotaa ngir a maaf na fomand too ta yaqaa o wod-fu-Baal no wiin we.
- . Xiir yo'nax nadu ne no wiin yoq we naa inwanaa a qoox den ngir a ndam ee koñ den, o gox den, saate' den, a paan den, refu o mbiñ jam, maa jegeerna ßonax.
- . Damit yo'nax fo coktoor ke naa mbi'eel ngir hebwan fu wañ a pi' a yoq ake fu a fomand ake naa mbi'eel, too goor we a ndef we naa mbi'an, fo it ngir saxin fa ngen na jam.
- . Damit yo'nax ke, fu xa qet xa maak axe no hebwan musiba ke fo a bañax fomu ke naa daawaa wiin we.

A QAAJ A LENG NO O WOD-FO-BAAL A FAAM NA TAXOOR ALE.

Sart neene kaa laamtaa wiin we fop a ndaw na pay'ax,too reefkaand no ke o kiin oxe a waagna o rafid.Mbind ne naa fay'ooreel kaa war o reefaa na demokaraasi, da eedeel no pexey den no o and, too ta reefel no calir ke a ndef kaa doyna ngir pugel keenea ndaawel.

Sart neene kaa xooyaa wiin we na adna fee ngir:

- , Geenu fañ a ñaaćnoof a yoq ake kam sax le, mbit na sax a lakas too da njikwaa pind pay'ir den ke, a suptaa a deen nen njula'.
- . Laamit maat ke de njegin, a coodit halal fo pay'ir no wod fo Baal ole, a damtin pexey ne moy'na o faax no saafara xa caaxlandaan no o wo-fu-Baal, too a wondin a ñaaćnoof a pay' no o wod-Baal ole'n wiin we, ngir a yooɓandan a den bo fop a ndaawin, too o leng rafidkeer teen tig.
- . Ñaax maat ke ngir de yoon, a njegin fo a mbi' bo wiin we a mbongik a ñaaćnoof no pind pay'ir ke fu xa piñ axe teex ke a njikooreel kam sax le.

. Fañ maat ne a jikoox pind pay'ir ke, too te yetooxaa a paax pind pay'ir ke mbogeerna no ke'n maat ne, a fog teen it a naaq ake naa ndamtaa fo mal ke mbogeerna no maat ne (O N G ° ke)

. Laamit a suptax no na fat ale na naaq ale'n adna fee seqna tig o wod-fo-Baal (OMS/WHO) na nandoof aaka taxna te waag o reefaa puge-puge no we njegeerna tig, te moytu o Baat jooté', too ta xoolnaa a ñaaćnoof a mayu a nadoof, a fokat pokatax teB ke no mbokatax maak ne na adna fee no o wod-fo-Baal, too ta maandoox nu hite' a cik fo a cikax pind maak ke.

. Sos, damit fo ñaaŷin yo'nax a qic fo a tamit a kiB ake no wiin we na saak den no o wod-fo-Baal fo na qaaj aluu te waagna o ref, ne'atiim koy, no sañ-sañ no oxe naa waadnuwaa, fo we naa faxooran.

. JaB too geenin a pay' no aada fu cosaan fo faa-fay' den, too jaB a den o fokat no we na mbay'aa o wod -fo-Baal ole.

. Laamit a suptax na cangin ale no we naa mbay'aa, bo da mbaagel o njangin ne naa daxteel o njaaxlandaan fo ne te waafanteel faxir paax, a mbokat teen a saak no a ñoowoof ake na monjaaliisaasiyoŋ fee no me da mbogna, da ndamir fo a qaaj ale de mbogna too a ndeef tig ke laxasunayo teen.

. Huñit pexey a baadin, fokat teen it teex ke, too o xed ta ref kaa daguna no puge-puge no wiin we.

. Laamit a saak ale no o wod-fu-Baal, fokat teen a saak ale na ñoowdand ake, na baadin no mbind dogtoor fo a kofatirand fa ndim ale naa waastaa yiif coxla' ke too ta jegtaa no xa piñ axaa o and den a xoodna too da mbaag o ngeenu a coodit a yiif den no ne naa taxaa te waag o jaaB no coxla' ke no we njegeerna.

Waaj a baadin ale, teex ke a mbog teen, too lay de mbodir fu coxla' no wiin we. Kaa de mbar o nitaa coxla' no we naa faxooraa fo o wod-fo-Baal ole no wiin we, too gay xa taarand axe na adna fee na qooldand.

Geenu wiin we damta den no coxla' den no inoox jilan xoox of na tolax fo fa ndim, too xire fa dogal a maaf aluu refna no a ñaaćnoof a kay fa ndim.

O ndamit onqeene kaa fofkaa sañ-sañ no fop na taaw pexey ke mbaaxna too a mboor na kofatirand fa ndim.

A POG NO WE NA ADNA FEE FOP NGIR JEGIN ADNA FA MBODU

Pokatax fo mal no wiin sawaru kaa jegkaa solo fa maak ngir ta sip a fat a cegu njoktoor too a moy' o sawir no a pi' um.

Cegu solo' yoo sañ-sañ ke-no ñoow, no polotik, no jeg, no aada fu cosaan- a ngayel. Maat ke mbaru o ngeenin pexey podru no o wod-fo-Baal fo no sañ-sañ ke, pokatax mayu fo yo'nax mayu kam ßasil ne, fo no yegnitir ke, kaa jeg cegu solo kaa de mbarna o mbi' ngir ta xool a den ee, maat ne a jega katan faanaa te gayitna a ßaatax ale na ñaaćnoof ale fo a geenu bo a faxoor ale a reefeel.

Sart neene kaa xooyaa wiin we na adna fee ngir;

Geenin too safkin pokatax no win, ngir waag o jeg o reefand o safku ngir a qooldatin ale fo a faxoor ale.

YuuБ, damit fo ñaayin yo'nax kaa naa ndiña too a ndamtaa we naa faxooran fop no togal no pind ke saquuna.

Xed bo pakatax keene no wiin we a njeg waa naa maadanaa a den no xa qet axe naa mbi'eel a lanq ale, no sax den, fo na sax a can no kuu xotna no o wod.

Geenu damit a kiБ ake na paan ake naa yooБandaa demokaraasi, na sos pokatax calel, kaa naa ndemle'raa kam adna fee fop.

Mbakatax ne no wiin we no o wod-fo-Baal fo sart ke

A yiif mbokatax no wiin a njoktoora no kaa hupna xa kiid xarБaxay.No hiid1998 a jega pokatax kaa layna ee fat (APS mbokatax no wiin we no o wod-fo-Baal)a sosel too, fi' o xet o maak a ndeer a sax ake, te fi'it-elno sax le Benjlades no a pangandoong o hiid 2000.

Xa qos yo'nax mayu a ndam-el, a fog-a teen xa qet calel no xa gox,a pokat a saak ake ndam-eena no tig kuu sut-eena fo a pind sart ne no o wod-fo-Baal.

Sart neene oxey reefa na ka'oof no wiin we,fo no pokatax ke'n wiin we na adna fee; oxey jaБ-e no jafum feraand no xet ole'n mal ne fi'it-eena na Sawaar, na Benjladees, no o hiid 2000.

Sart ke ndefu lay o nqelaat onqe l mbogna, a ka'oof in ngir adna fa mbaax fa moyu o wod, fo yegnit ngir yo'nax njofu. Calir oo ngir andin a keen in, o xet oo olaa andoona ee pokatax lakas ngir calel a mbaage teen o ngeenin.

MBOGIIDYO NA IN-YOONYO NO SART NE

Inwey nqooyaa wiin we fop fo pokatax ke da ngar a mbog no mal neene xetna adna fee fop. Too l nqedaa a nuun nu yoon (siñe')sart ne no wiin we no o wod -fo-Baal fo it damit bo ta jegnel.

Oxe adwanna tige:Gonoshasthaya Kendra

Nayarhat Dhaka1344

Bengladesh

Tel 880 2770 8316 770 8335

e-mail: phasec@pha2000.org

Web site: www.pha2000.org

Senegal: Amacodou DIOUF

AHDIS – PHM

SICAP Amitié 1, villa N°3029 Dakar, SENEGAL

Tel: + 221 33 824 52 83

E-mail : ahdis2@orange.sn

A qaaj ale fi'eena na Sarwiye no hiid 2001.